

樂庵遺稿卷一

鄱陽五家四

鄱陽吳存著

史簡編

七言絕句

山茶四首

吾家屋後山茶樹樹始栽時我髻了三十四年今過  
屋春風兩鬢不教華

此樹先人手自栽當時數日待花開樹今如此人何  
處慙愧春風歲歲來

當年此種外家分歸載琅玕笑市人外氏凋零吾漸  
老寒泉千載哭青春

兵後荒殘賦役頻故家斤斧到荆榛年來桃李春風  
關誰識承平雨露身

過大野

梁山泊裏雨濛濛借得鷗沙過短篷三百里天香世  
界平生無此菱荷風

淮陰漂母墓

漂飯千金報尚輕更緣推食許平生區區報施何時  
了一飽男兒好自營

稻花圖

玉碎珠明麗野田不將頰紫競春妍一莖露綴秋風

裏中有蒼姬八百年

雙雀圖

野田秋粟啄肥腴  
彈張羅總禍機  
叢竹蕭蕭風獵獵  
獨莫辭枝上凍相依

停針圖

停針元不爲傷春  
巧奪天機亦損神  
長日支頤無一語  
應思身衣弋綈人

聽雨看雲二樓

淒涼東府對床吟  
蕭瑟巴山語夜深  
人聽自悲君自  
樂古今同耳不同心

靜閣天機此倚闌  
雀鬼未了忽波瀾  
萬般起滅都看盡  
一碧澄然更好看

橫塘秋晚圖

新葦枯荷綠一窪  
游魚戲蟹小生涯  
水荇花外飛鷺  
雨付與鴛鴦占晚沙

范寬小景

蹇驢馱醉暮歸遲  
一犬迎門吠短籬  
此是詩人遊畫  
處畫來又費幾人詩

荷葦白鷺

浦葦汀荷戰晚風  
三三五五雪衣公  
故應如此丰標

好合著寬閒寂寞中

貴溪道中欲經湯原不果

三丫路口逢朝雨百尺山頭見半晴  
借問湯原三十里僕夫搖首欲歸咩

客館思歸

陰陰野樹鳴啼鴉漠漠餘寒落楝花  
十載送春渾是客五更聽雨忽思家

絕句

蹇驢昨日雪濛濛破帽呼舟古渡風  
吟得詩成還不吐要留此景著胸中

東湖十詠

兩堤柳色

南北長堤彩艫連垂楊夾道綠如煙春風曠長絲千尺辨與遊人繫畫船

雙塔鈴音

文筆雙峯銳刺天風簷萬鐸語蒼煙沙門聽徹渠應解說到番君教戰年

孔廟松風

池公巖鐸跨龍來鎖向湖濱不放回翠鬣蒼髯時一奮孔堂白晝起雲雷

顏亭荷雨

萬斛明珠濺綠盤  
魯公亭上倚闌干  
誰知倒挽銀河  
下天爲忠臣洗肺肝

湖中孤寺

佛屋巋然水四圍  
晴光波影漾禪扉  
老僧隱几青楓  
表笑看滄洲白鳥飛

洲上百花

湖光三面浸樓臺  
東面天橫錦繡堆  
辦取四時洲上  
醉不妨三日一花開

薦福茶煙

晴霏冉冉上松枝  
莫莫堂中茗事遲  
欲訪趙州消午困  
趁渠蟹眼未生時

新橋酒旆

橋邊窗戶小  
家樓新釣魚肥  
酒旋芻可是東風能喚  
客青帘舞過柳梢頭

江城暮角

城頭三弄夕  
煙橫城上戎衣袞  
不驚四十年來無戰鬪  
梅花吹入太平聲

芝嶠晴雲

千仞屏恩杳  
靄中晴霏朝暮乍  
青紅遙知郁郁紛紛



處下有先秦白髮翁

五言近體

遣興

已拙治生理兼無用世才  
年年中酒過日日典衣回  
寒食梨花落江南燕子來  
山深舊知少懷抱向誰開

與徐山玉

愛子眉垂白於余眼倍青  
眠雲豫章榻呼月鵲湖亭  
世慮吾忘我天機影答形  
木蘭枝上露香入太玄經

秋日有感

半生真逆旅萬事等虛舟  
未老先成懶雖貧不解愁

西風三日雨南楚十分秋閨婦爲寒計篝燈葦帳裏

壯懷

登覽心猶壯栖遲鬢易凋江山如有待歲月不相饒  
匹馬觀嵩嶽扁舟聽海潮茲遊終有遂辦取一裘貂

風雨

風雨春強半鶯花日許長詩添子美瘦酒減次公狂  
客欲巾車去余方蠟屐忙相看一笑別江上又斜陽

宿慈雲庵懷梅山

慈雲樓酒地回首轍鄰春水壞車行道雲迷手植松  
百年嗟我後四海念誰從風雨春歸夜還聞景德鐘

贈鄭尉研巖

巖栖今鄭老市隱舊梅仙世隔青衫夢詩凋白髮年  
故山三逕草樂土一簑煙應笑清灣叟當時問北船  
悼所乘紫駟

共詫追風健何虞歷塊傷世非無駭逸我獨念馴良  
短策城邊月枯箕埜懸霜舊遊堪一嘅心媿徹帷巖  
操氏晚隱

能隱寧論晚誰知晚更宜漁竿諳渭石象奕老商芝  
骨健風霜耐心閒日月遲但煩多釀秫醉徹太平時  
輓黃易安

芝麓開仙跡丹霞傍洞天竟隨雙劍化尙想一壺懸  
月浸鳴弦室雲生種秫田泠泠華表語更俟後千年

冬日郊行

萬竅聲鳴鏑雲連色死灰羣鴉刺天去孤隼遇風回  
木葉無可落梅花不肯開歸來聊抱膝吾芋固堪煨

宿王存善江樓

晚出番君國夕眠王粲樓疎砧深巷雨殘角古城秋  
邊迨成幽趣登臨憶舊遊好將塵世眼長此對螺舟

七言近體

徐松巢輓詞

昌水番江虎座尊歸來丹鼎煮雲根莫嗟風落松無  
子自喜朝陽桐有孫易傳一編了今古詩名千載重  
乾坤好將庭下黃花露招取南州高士魂

清明遊徐公墓下

格磔山禽破曉雲青鞋裏濕上嶙峋清明寒食疎疎  
雨柳絮梨花淡淡春隴老山中逢上塚周家柏下見  
遊人三生曾掛延陵劍回首人間隔幾塵

雜興四首寄芳洲

置酒荒臺日未晡酒酣擊缶自歌呼春從杜宇聲中  
去寒到桐花開後無萬里江山曾感慨一年風雨減

到月是木卷一  
一  
歡娛歸來掩却柴門卧一逕殘紅護翠蕪

世故年來閱已深萬方覆却不驚心莫嫌杖夜未忘  
煨自是淵明偶有琴衣食未妨依馬磨文章何必銜  
雞林人生留得青青鬢莫遣吳霜取次侵

倦坐聊分鄭老瓊忘言自守子雲玄繞枝三匝遠初  
志上樹千回憶少年早不自知窮有鬼吾今直以飲  
爲仙故人識我機心淡遠寄黃庭內景篇

塵網栖栖三十秋青春背我已堪羞書留後世揚雄  
賞詩帶前生杜甫愁隱去只須名謾記病來方始悟  
浮休明年定買舟如葉小住東風杜若洲

胡仁傑案舊作次韻

一囊自記平生夢反覆看來笑復嘆  
老矣廉頗空善飯少之燭武不如人  
筆枯風雨千言疾眼眩煙雲萬態新  
我誤已深君勿誤古來技富得家貧

秋夜行大野湖中

湖海三生一念差扁舟夜夜艤蘆花  
身經雁帛飛來地夢繞龍梭化處家  
溪語船頭風力順露明篷隙月痕斜  
若無織女支機石誰信河源八月槎

自燕京還金陵采石丁家洲次韻

六朝夢事闕千基底用吳腸作楚悲  
天地自應存子

奪江山元不預興衰曲憐商女新聲唱文愧山靈舊  
日移第一層樓猶有酒不妨重和謫仙詩

布帆又過望夫峯今度南歸喜得風犀炬已消餘夕  
燐錦袍不朽照晴虹物繁稍見豐年象戍盡方知治  
世功五十年前翁記否只應江浪至今同

疏鑿當年費五丁洲名猶足記江程夢松覺後海潮  
落化鶴歸來沙月明萬古文章無泯滅百年陵谷有  
還更誰知鷗沒鷗浮處聽得朝陽老鳳鳴

過廬山下

白鳥雙飛入鏡奩千帆徑度午風恬大姑波濯生塵



襪五老雲開捲雨簾  
梵唄仙音專地勝  
林霏野色挾秋嚴  
八年不見宮亭水  
小注清冷入硯蟾

挽黎芳洲

當年赤手奪青衫  
風引篷萊碧海帆  
師道晚行文學事  
澤民空署法曹銜  
昔迷車馬平生跡  
塵鎖詩筒舊日函  
莫恨芳洲秋色晚  
瓏璵玉樹總非凡

程昭伯示宗人宗野甲寅送別詩次韻

北去南來日月茫  
髮毛雪白視荒荒  
不辭萬里歸舟晚  
坐愧諸公贈墨香  
老我無書上光範  
何人有酒博西涼  
無端昨夜松間夢  
猶逐飛雲到帝鄉

長江萬里圖

管城縮地亦仙才萬里江天咫尺開遠樹平蕪連莽  
蕩斷橋危室枕崔嵬濤翻太古西山雪石蓄晴天灑  
灑雷忽見扁舟鷗鳥外年時征夢上心來

丙辰中秋晴景憶舊遊

憶從秋雁出天都颯颯西風兩岸蘆堂邑片幡潮外  
落博平斗酒水中沾當時萬里勞歸夢此夕空山笑  
故吾莫惜高歌醉節序桂香月色去年無

過梅山周公墓下

不到鵝塘又五年蒼然宰相閣荒煙重哦天上招魂

些三叫雲間蛻骨仙步繞空山尋落葉恨無秋菊薦  
寒泉茫茫四海豪華盡回首平生一慨然

彭氏母百歲二子八表

彭鏗之後仍多壽華萼相輝兩弟昆白髮百齡堂上  
母綵衣五世眼中孫熙朝優老曾分帛憲使觀風合  
表門惆悵平生懷菊意春暉無地報深恩

送齊莊叔入爲儀曹掾并東張夢臣國博馬伯

庸御史

儒衣持藁佐春官萬里雲香入羽翰似子青衫鞭好  
著看子白首鉞猶彈舉比日照先生座身角風生御

史冠欲折梅花憑寄遠江南雪後北枝寒

次韻方山馮公見寄

方山年七十九矣居百丈山下

晚學無成媿寡聞著書千載羨公勤天高誰識潛心苦地遠何由會面頰雨入東湖青迤邐雲關百丈碧嶙峋夜涼露坐哦佳句南極時時見老人

新堂甫完季弟仲文自別墅回喜賦

兄弟離居十二霜天教歲晚得同堂荆花再茂春逾好棣萼相輝日正長七世衣冠廳事在一門弓冶墨池香句吳友讓傳家久共戒兒孫慎勿忘

登望湖山分韻香字

雨滯芳遊病更妨登危筋力喜猶強山光遠映鬢眉  
潤春氣濃熏杖屨香古廟靈衣新繡黻長松天籟舊  
宮商重樓書鎖黃冠出却笑閒人有底忙

伯溫如杭寄伙山村

周郎明日杭州去問訊山村安穩無我恨不乘溪上  
舸君當一訪市邊帶夢殘東滙漁樵社思入西山烟  
雨圖老去釣竿無著處他年還欲拂珊瑚

寄楊師文教授

想見東湖秋水碧蘋花兩岸白漚風舟橫島寺煙霏  
外人在宮牆樹影中忽憶連床前日樂相携載酒幾

回同祇今百里無消息湖海他年况轉篷

九日赴徐蘭玉郭峯別墅之集追懷庚寅舊遊

蘭玉號雲壑

松巢從弟也

烏龍潭上一壺天回首前遊五九年雲壑新來成小  
隱松巢久已化飛仙屋頭泉入燒茶鼎谷口雲生種  
穉田借得客床圓舊夢夜闌虎嘯不成眠

和徐君玉韻

高士鋤雲卜洛邱重陽宴集意綢繆鑿開郭璞山前  
路占斷番君國裏秋携客登高兄弟倡題品紀勝姓  
名留退翁一笑烟霞表不負平生是此遊

上巳日徐蘭玉訪予溪上賦贈

近來久已却肥甘  
蔬筍蕭然對客談  
風雨空過一百六  
鶯花又負幾重三  
麥黃滿地家家飯  
桑綠如雲處處鶯  
何幸時平田里樂  
與君畊鑿老江南

哭秋湖徐天麟

不見海棠巢上仙  
風蟬蛻骨已三年  
當時好客頻投轄  
此日懷人欲絕絃  
春燕自歸王謝宅  
夜虹誰覓米家船  
重來詩景元無恙  
烏雨湖煙共慨然

郭錄判來板橋訪余不值及余至則已行矣乃賦詩追送

終南道中  
十一  
我來君去如相避，但怪落花流水香。白日正堪文字，  
飲青山似笑簡書忙。鳴騶道路春光晚，啼鴉園林雨  
意長。自是神交形迹外，剡溪不見又何妨。

登悠然閣懷南翁上官伯圭見和再次韻

悠然老子瀛洲客，騎鶴一去三千秋。斯人可與酩酊  
醉，當時惜不逍遙遊。霓裳一曲廣寒夢，弱水萬里蓬  
萊舟。公來何莫吾已老，西風落日登茲樓。

次楊妃菊韻

委地花鈿散不收，開元帝業渭東流。三生雲霧深宮  
曉，一箇風霜老圃秋。淡似倦粧濃似醉，向疑凝笑背



疑羞人間富貴空餘臭籬落吹香正未休

次韻周鼎仲拙齋

茫茫宇宙一廬場人事無涯生有涯冷看世情窮百  
巧孰知天意故多乖騎牛春谷雲生袂抱甕晨畦月  
滿懷屋角鳴鳩宮徵足素琴何用人音諧

朱氏春暉堂

阿母童顏雪滿簪綵衣拜舞北堂深直期千歲蟠桃  
實長抱三春寸草心山暎蟬鳴烟淡淡日長禽語樹  
陰陰好將東野詩中意寫入花前綠綺琴

彭忠烈錦袍鍊扇落他姓孫公尹購得有詩次

韻

東歸幾日竟南遷  
苔沒渝城萬仞鑄  
社稷已墟遺古廟  
英雄不死作飛仙  
空聞扇鐵遮西日  
忍見袍花麗晚天  
猶有故家喬木在  
年年春綠照番川

題曹公元母苦節志

大家班妹賢無敵  
尙想初歸世叔時  
風雨兩鬢泉下土  
乾坤一髮務中兒  
丸熊日俟門閭大  
懷橘天留歲月遲  
近代巴清猶立傳  
可無人采柏舟詩

次苑知事秋日懷故園韻

紅葉侵階草映扉  
先生危坐了朝暉  
官清頗訝休文

瘦義勝方知子夏肥且可一樽持郭索何須萬里嘆  
伊威芝山爽氣年年好未覺微之拄笏非

館閣英才一網收泛紅何事此來遊卧聽疎雨鳴蟬  
晚愁對空江落木秋一片孤忠心北拱五更歸夢水  
東流煩君小作三年住莫遣吾邦顏范羞

次楊仲弘東湖四景韻

灩灩湖光照市闔太平延祐十分春鞦韆影漾紅粧  
靚整落芳傳綠酒新夢到看花曲江上人疑修禊洛  
川濱祇今能話歌遊樂猶有姜堤白髮民

城中地隘暑偏多競泛鷗沙百頃波蕭寺晚涼風夏

竹顏亭晝靜雨鳴荷參差楚產供槃飭幼妙吳音雜  
棹歌拚取千金湖上醉人間富貴易消磨

久無人洗錦袍舟誰共湖天一片秋潮落石橫迷古  
埭霜飛木落露浮洲雁聲叫月來無盡菰米沉雲散  
不收漁唱一聲何處起有人懷古涕先流

訪梅欲覓老逋家水國清寒力漸加雪意動時雲罩  
樹日痕薄處凍生花沙邊鷗落飛戎騎箔下魚跳平聲  
集釣槎聊補番君風土記未須持向北人誇

彭濟川挾醫游昇

白袍烏帽小綸巾君是彭鏗第幾身  
肘後有力能却

老眼前無藥可醫貧好將玉札丹砂手去看長干白  
下春若見故人詢退叟爲言心鐵髮如銀

樂庵遺稿卷一終

樂庵遺稿卷二

鄱陽五家五

鄱陽吳存著

史簡編

五言古風

擬古

青青園中葵托根信云美  
夙承春風恩華葉光嶷嶷  
願得羞王公顏色照筐篚  
道路阻且長終然不我以  
悠悠歲年晚零落自此始  
獨有太陽心不爲霜雪死  
楚國有佳人雙蛾秀娟娟  
自倚容色好不復施朱鉛  
舉世非所偶窈窕誰爲妍  
獨抱松柏心坐閱桃李年  
盈盈東家妹綺羅照珠鈿  
賦命固有定脈脈良自憐

二月望日

忽忽春已半我酒不得持今晨始無事出門草離離  
喧禽樂新弄羣動各以時居人亦有營驅牛向東菑  
我學曠遲暮今茲復來茲同舍笑謂我用此鉛槧爲  
當年不見察萬世以俟誰明朝是社日且啜山中醪

次韻寄月礪

平湖湛初晴碧色照蓮宇湖中舡子僧湖上蔬籃女  
遙知一堤柳風絮正飛舞安得携同袍清嘯倚晴樹  
關關幽鳥啼渺渺芳草暮唯應溪上人垂釣有深趣

晦日風雨